

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O POČETNOM BILANSU STANJA PREDUZEĆA I BANAKA

Proглашава se Zakon o izmjenama i dopunama Zakona o početnom bilansu stanja preduzeća i banaka koji je donio Parlament Federacije BiH na sjednici Predstavničkog doma od 6. maja 2008. godine i na sjednici Doma naroda od 29. maja 2008. godine.

Broj 01-02-297/08
13. juna 2008. godine
Sarajevo

Predsjednica
Borjana Krišto, s. r.

ZAKON

O IZMJENAMA I DOPUNAMA ZAKONA O POČETNOM BILANSU STANJA PREDUZEĆA I BANAKA

Član 1.

U Zakonu o početnom bilansu stanja preduzeća i banaka ("Službene novine Federacije BiH", br. 12/98, 40/99 i 47/06) u članu 8. stav 1. tačka 1) iza riječi "stvari" dodaju se riječi: "(pokretne i nepokretne)".

Član 2.

U članu 20. stav 2. mijenja se i glasi:

"Prijenos prava vlasništva stvari, prava i obaveza iz stava 1. ovog člana na Federaciju koja nisu u posjedu, odnosno pod kontrolom preduzeća i banaka, već se nalaze na području drugih republika bivše SFRJ, vrši se tako što će Federalno pravobranilaštvo-Federalno pravobraniteljstvo (u daljnjem tekstu: Federalno pravobranilaštvo), kao pravni zastupnik Federacije, ili pravni zastupnik po ovlaštenju u svakom pojedinačnom slučaju, podnijeti tužbu na utvrđenje vlasništva kod nadležnog suda prema sjedištu preduzeća i banke za imovinu koja je vlasništvo Federacije."

Iza stava 2. dodaju se novi st. 3., 4., 5. i 6. koji glase:

"Agencija za privatizaciju u Federaciji Bosne i Hercegovine će vršiti pripremu dokumentacije, za preduzeća iz svoje nadležnosti, za imovinu koja pripada Federaciji i tu dokumentaciju dostaviti Federalnom pravobranilaštvu ili pravnom zastupniku po ovlaštenju, radi pokretanja postupka iz stava 2. ovog člana.

Sudska odluka donesena u skladu sa stavom 2. ovog člana predstavlja pravnu osnovu za uknjiženje prava vlasništva na Federaciju koju će provesti Federalno pravobranilaštvo ili pravni zastupnik po ovlaštenju, u skladu sa ugovorima o pravnoj pomoći u građanskim stvarima zaključenim između Bosne i Hercegovine i drugih republika bivše SFRJ.

Odredbе st. 2., 3. i 4. ovog člana analogno se primjenjuju i na stvari, prava i obaveze koja su u vlasništvu kantona, s tim što postupak pokreće kantonalno pravobranilaštvo ili pravni zastupnik po ovlaštenju u saradnji sa kantonalnim agencijama za privatizaciju.

Pravnog zastupnika po ovlaštenju određuje agencija iz stava 3., odnosno agencija iz stava 5. ovog člana."

Dosadašnji st. 3. i 4. postaju st. 7. i 8.

Član 3.

Iza člana 20. dodaje se novi član 20a. koji glasi:

"Član 20a.

Preduzeća i banke iz člana 20. stav 1. ovog Zakona obavezni su dostaviti svu dokumentacionu osnovu bez obzira da li su preduzeće i banka privatizirani ili ne.

Neprivatizirana preduzeća i banke iz stava 1. ovog člana čija je imovina uknjižena u vlasništvo Federacije, odnosno kantona prema članu 20. st. 2. do 5. ovog Zakona, imaju pravo preče kupnje ukoliko Federacija odnosno kanton pokrenu postupak za prodaju te imovine."

Član 4.

U članu 36. stav 2. u četvrtom redu iza riječi "članu" dodaju se riječi: "20a. i".

Član 5.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O POČETNOJ BILANCI STANJA PREDUZEĆA I BANAKA

Proглашава se Zakon o izmjenama i dopunama Zakona o početnoj bilanci stanja poduzeća i banaka koji je donio Parlament Federacije BiH na sjednici Zastupničkog doma od 6. svibnja 2008. godine i na sjednici Doma naroda od 29. svibnja 2008. godine.

Broj 01-02-297/08
13. lipnja 2008. godine
Sarajevo

Predsjednica
Borjana Krišto, v. r.

ZAKON

O IZMJENAMA I DOPUNAMA ZAKONA O POČETNOJ BILANCI STANJA PREDUZEĆA I BANAKA

Članak 1.

U Zakonu o početnoj bilanci stanja poduzeća i banaka ("Službene novine Federacije BiH", br. 12/98, 40/99 i 47/06) u članku 8. stavak 1. točka 1) iza riječi "stvari" dodaju se riječi: "(pokretne i nepokretne)".

Članak 2.

U članku 20. stavak 2. mijenja se i glasi:

"Prijenos prava vlasništva stvari, prava i obveza iz stavka 1. ovog članka na Federaciju koja nisu u posjedu, odnosno pod kontrolom poduzeća i banaka, već se nalaze na području drugih republika bivše SFRJ, vrši se tako što će Federalno pravobraniteljstvo - Federalno pravobranilaštvo (u daljnjem tekstu: Federalno pravobraniteljstvo), kao pravni zastupnik Federacije, ili pravni zastupnik po ovlasti u svakom pojedinačnom slučaju, podnijeti tužbu na utvrđenje vlasništva kod mjerodavnog suda prema sjedištu poduzeća i banke za imovinu koja je vlasništvo Federacije."

Iza stavka 2. dodaju se novi st. 3., 4., 5. i 6. koji glase:

"Agencija za privatizaciju u Federaciji Bosne i Hercegovine će obavljati pripremu dokumentacije, za poduzeća iz svoje mjerodavnosti, za imovinu koja pripada Federaciji i tu dokumentaciju dostaviti Federalnom pravobraniteljstvu ili pravnom zastupniku po ovlasti, radi pokretanja postupka iz stavka 2. ovog članka.

Sudska odluka donesena sukladno stavku 2. ovog članka predstavlja pravni temelj za uknjiženje prava vlasništva na Federaciju koju će provesti Federalno pravobraniteljstvo ili pravni zastupnik po ovlasti, sukladno ugovorima o pravnoj pomoći u građanskim stvarima zaključenim između Bosne i Hercegovine i drugih republika bivše SFRJ.